

Zeitschrift: Schwyzerlüt : Zytschrift für üsi schwyzerische Mundarte
Band: 25 (1963)
Heft: 3

Artikel: S Aarbärger Bott vom Bärner Schriftstellerverein
Autor: Jäggi, Beat
DOI: <https://doi.org/10.5169/seals-190142>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.02.2025

ETH-Bibliothek Zürich, E-Periodica, <https://www.e-periodica.ch>

samkeit! Mit stechendem Blick fixierte er Kari, und es tönte wie Hammerschläge, als er die drei stahlharten Worte: «Guete-Tak-Grunderr!» hervorstiess. Wir spürten ein Gewitter, das sich über Kari entladen sollte.

War es nun göttliche Illumination oder kindliche Einfalt: Kari erhebt sich unbeschwert von seinem Sitz, geht nach vorn zum Pult des eiskalten Herrn, reicht ihm die Hand und spricht im herzlichsten Ton: «Guete Tag, Herr B.» — Dieser, von der unerhört freundlichen, in gütiger Anmut gesprochenen Anrede überwältigt, reicht Karl Grunder versöhnt schmunzelnd die Hand. Stille Bewunderung der Szene einen Augenblick, dann brausender Beifall der ganzen Klasse. Am liebsten hätten wir alle unsern Kari umarmt.

Lieber Karl Grunder, Du warst uns ein leuchtendes Vorbild, hab Dank!

S Aarbärger Bott vom Bärner Schriftstellerverein

E Monet no der Truurfyr für e Kari Grunder isch die grossi Bärner Schriftstellerfamili i der Chile z Aarbärg zämecho.

Der Nationalrot Hans Müller, e ufrichtige, treue Fründ vo de Schriftsteller und ganz bsunders au vo üser Zytschrift «Schwyzerlüt», het wie alli Johr, nomene schöne Bruuch sy fründligi Yladig gmacht. By dere würdige Fyr i der Chile chöme süscht eister drei Schriftsteller dra für us ihrne Wärke vorzläse. S Bärnbiet het aber i Zyt vo chuum eme Johr drei guet bekannti und tüchtig Mundartdichter verlore: der Werner Bula, der Adolf Schaer-Ris und der Kari Grunder. Grad das het do by üsem guete Hans Müller der Astoss gäh, statt läbigi Autore ihri Wärk loh

vorzstelle, für die Gstorbne e Gedänkfy z plane.
Sie isch grote, die Fyr und de no wie schön! Me hets
frei gwahret a de andächtige Gsichter a.
Der Emil Balmer und der Paul Eggeberg, zwe chächi
Bärner Mundart-Schriftsteller, hei für e Kari Grun-
der prächtigi Wort zämetreit, wos verdiene, i dere
Nummere abdruckt z wärde. So chunnt me doch es
fertigs Bild über. B. J.

Es Fründeswort im Gedänke a Kari Grunder

Won i vor wenig meh als zwöi Jahr hie i der Chilche
z'Aarbärg ds Wort ergriffe ha, für em Kari Grunder
zu sym achzgische Geburtstag z'gratuliere, isch's
mer wäger ordeli liechter gfalle weder hüt, wo mer
is zu re Gedänkfy zämegfunde hei. Denn'zmal isch
er bin is gsässe, sunnig und frölech. Hüt fählt er is,
und er wird is ganz bsunders hie am Aarbärgbott
gäng wieder fähle, will ja das traditionelle Schrift-
stellerträffe, verbunde mit der literarische Fyrstund,
sys Göttichind — und wie nes liebs! — gsi isch. Mit
Freud het er all die viele Jahr zuegluegt, wie sech
das «Chind» zwäggla het. Nu, es isch ou entsprached
pfligt, me darf sogar säge: g'häätschelet worde vo
syne Eltere, vo Herr und Frau Nationalrat Müller.
Ou uf ds hüttige Bott het sech der Kari Grunder
gfreut und het ghoffet, dörfe derby z'si. Es het nid
sölle wahr wärde. I der Nacht vom 5. uf de 6. Jänner
isch er für gäng ygschlafe. Dermit her es ungloub-
lech rychs, usgfüllts und sunnigs Läbe sy Abschluss
gfunde. Üs allne, wo hie binandere si, isch der Wäg,